

皇清經解續編卷六百五

南菁書院

春秋左氏傳地名補注九

吳沈欽韓文起著

昭公

元年傳遂會于虢 續志滎陽有虢亭方輿紀要俗謂之平眺城

在縣東北二十里眺亦作桃

夏有觀扈 一統志畔觀故城在曹州府觀城縣西本夏時觀

國鄆縣故城在西安府鄆縣治北本夏時扈國紀年帝啟十一年放王季子武觀于西河注武觀卽五觀也十五年武觀以西河叛彭伯壽帥師征西河武觀來歸淮南齊俗訓有扈氏爲義而亡注有扈夏啟之庶兄以堯舜與賢啟獨與子故伐啟啟亡之周書史記解有夏之方輿也扈氏弱而不恭身死國亡

商有妣邳 紀年外壬元年邳人邾人叛河亶甲三年彭伯克邳五年妣人入于班方彭伯韋伯伐班方妣人來享妣卽莘方輿紀要下邳城在邳州治東古邳國山東通志仲虺城在兗州府滕縣西南境奚仲封薛遷于邳又曰上邳城

周有徐奄 惠云紀年成王二年奄人徐人及淮夷入于邳以叛周書周公相天子殷東徐奄從三叔爲亂按萊誓云淮夷徐戎並興杜預謂徐卽淮夷者誤山東通志奄里在曲阜縣東境

古奄國

造舟于河 元和志同州朝邑縣河橋本秦后子奔晉造舟于河遙秦晉之道

自雍及絳 元和志鳳翔府郭下天興縣本秦雍縣國都東至

京兆府三百一十里絳州西南至京兆府五百九十里曲沃縣
本晉絳都西至州五十里共九百五十里

宣汾洮 一統志管涔山在甯武府甯武縣西南六十里跨五
寨靜樂二縣界汾水發源于此續漢志河東聞喜縣有洮水水
經注涑水至周陽與洮水合水源東出清野山一統志洮水源
出絳州絳縣橫嶺山煙莊谷入聞喜縣界與陳村峪水合按陳
村峪卽涑水也齊召南據水經注以洮水卽涑水非也

障大澤 一統志臺駘澤在太原府南十里舊爲晉水匯處蒲
魚所鍾今久涸

城犖櫟邾 一統志犖縣故城在汝州魯山縣東南五十里邾
縣故城今邾縣治

年傳執諸中都 水經注侯甲水西北逕中都縣故城南城臨
際水湄晉侯執陳無宇于中都者也漢文帝爲代王都此一統
志中都故城在汾州府平遙縣西北

年傳放盧蒲嫫于北燕 日下舊聞引城冢記云南北盧蒲城
在霸州文安縣西二十七里齊侯放盧蒲嫫于此

年傳三塗 水經注伊水出陸渾縣之西南王母澗澗北山上
有王母祠卽古三塗山也京相璠著春秋土地名準周書南望
之文或言宜爲轘轅大谷伊闕非也方輿紀要三塗山在河南
府嵩縣西南十里

陽城 方輿紀要陽城山在河南府登封縣北

一統志
東北 三十八

里俗名車嶺山

大室 一統志嵩山在登封縣北十里亦曰太室其西曰少室
荆山 杜預所指者乃今鄖陽府房縣西南二百里之景山水
經注以爲荆山之首至襄陽南漳縣爲荆山據司馬侯所言推
之當爲陝州閩鄉縣南三十五里之荆山

中南 明一統志終南山在西安府南五十里

商湯有景亳之命 紀年帝癸二十八年昆吾氏伐商商會諸

侯于景亳遂征韋商師取韋遂征顧按周書殷祝解湯放桀于

復亳王子諸侯大會周書所言是此景亳之命也方輿紀要亳

城在河南府偃師縣西十四里景山在縣南二十里

成有岐陽之蒐 紀年成王六年大蒐于岐陽方輿紀要岐山

在鳳翔府岐山縣東北十里山有兩岐故名

康有酆宮之朝 紀年康王元年召康公總百官諸侯朝于酆

宮酆縣志豐宮在酆水西去縣三十里

穆有塗山之會 紀年穆王三十九年王會諸侯于塗山一統

志塗山在鳳陽府懷遠縣東南八里淮河東岸亦曰當塗山

王田于武城 卽南陽宛縣之武城續志宛縣有東武亭東字

疑誤

夏桀爲仍之會有緡叛之 紀年帝癸十一年會諸侯于仍有

緡氏逃歸遂滅有緡山東通志東緡城卽惜邑在兗州府金鄉

縣東北二十五里本古緡國爲桀所滅今名緡城阜

商紂爲黎之蒐東夷叛之 紀年帝辛四年大蒐于黎今潞安

府潞城縣東北十八里有黎侯城紀要云黎城縣古黎侯國

周幽爲太室之盟戎狄畔之紀年幽王十年春王及諸侯盟于太室十一年申人鄆人及犬戎入宗周弑王出襄寧時聚刃入棘櫟麻水經注汝水東逕櫟亭北春秋之棘櫟也一統志櫟城在汝甯府新蔡縣北二十里又信陽州北五十里亦有櫟城寰宇記故麻城在今單城碭山縣西北碭山縣志今爲麻城集在城東北二十五里方輿紀要棘亭在歸德府永城縣故鄴

縣東北

平昌官

漢縣

在碭山縣西南

奔命于夏汭一統志漢口在漢陽府漢陽縣東漢水入江之口也亦曰夏口沔口水經注夏水入沔自堵口下沔水兼通夏口而會于江謂之夏汭卽夏口矣其地本在江北城鍾離一統志鍾離城在漢陽府漢川縣東五里卽五里墩

也府志路史曰箴尹宜咎所城之鍾離在漢陽軍今之五里墩
成公十五年晉吳所會之鍾離則在今鳳陽府愚按下文城巢
城州來皆在今廬鳳境之內恐鍾離仍在鳳陽也口平兵水
及庚宗 一統志庚宗亭在兗州府泗水縣東接費縣界
年五經以牟婁及防茲來奔 續志平昌有婁鄉注引杜預西南
有婁亭山東通志婁鄉城在青州府諸城縣西南境又縣東北
柴溝社東南有防亭茲亭在沂州府莒州東北境一統志茲鄉
故城在諸城縣西北漢屬琅邪郡
傳勞屈生于菟氏 水經注八里溝又南得野菟水口水上承
西南菟氏亭北野兔陂鄭伯勞屈生于菟氏者也寰宇記菟氏
城在開封府尉氏縣西北四十里

送女于邢丘 續志河內平皋縣有邢丘水經注晉侯送女于邢丘卽此處方輿紀要平皋城在懷慶府城東南七十里入溫縣界一名邢丘

勞諸索氏 元和志古大索城今鄭州滎陽縣理是也楚漢戰于京索間小索城在縣北四里

鄭伯勞諸圉

一統志圉縣故城在開封府杞縣南

明一統志杞縣南五

十里

以繁陽之師 卽繁陽也方輿紀要繁陽亭在汝甯府新蔡縣

北

敗諸鵠岸 元和志鵠頭鎮在宣州南陵縣西一百十里楚伐

吳敗于鵠岸是也方輿紀要鵠尾洲在太平府繁昌縣西南大

江中鵲頭山在池州府銅陵縣北十里山在鵲洲之頭因名

至于羅汭 水經注汨水又西逕汨羅戍南西流注于湘春秋

之羅汭矣世謂之汨羅口明一統志汨羅江在長沙府湘陰縣

北七十里方輿紀要汨羅江至縣境分爲二水一西南流曰汨

水一西經古羅城曰羅水復析而北出至屈潭復合故曰汨羅

又西南注于湘江謂之汨羅口水道提綱湘水至湘陰縣西南

境有汨水東南自平江縣

汨水卽平江

合諸水來至汨羅山分流而

西注之曰汨羅口

及汝清 汝水入淮之口一統志汝水自河南息縣東流入潁

州府阜陽縣南至朱臯鎮入于淮亦謂之淮口

坻箕之山

寰宇記踟躕山在廬州巢縣南三十七里按輿地

志云東關口有踟躕山昔坻箕也楚子觀兵處

待命于巢 元和志楚有二巢一在廬江六縣其南巢桀所放

處則江州潯陽縣東四十二里巢湖故城也按九江府志與元

和志所言同

六年傳師于豫章 此豫章蓋江北漢九江郡

次于乾谿 一統志乾谿在亳州東南紀要東南七十五里

敗其師于房鍾 李兆洛鳳臺縣志房鍾卽今闕疇集地今闕

疇北至乾谿百餘里南至潁尾百餘里東南至州來百餘里大

師次乾谿故別軍在房鍾爲犄角也今猶爲蒙亳往來要地也

七年傳齊侯次于虢 虢與郭通方輿紀要高郭城在河間府任

丘縣西十七里漢縣屬涿郡

盟于濡上 水經注濡水出故安縣西北窮獨山南谷于容城縣西北大利亭東南合易水而注巨馬水按此所謂北濡合北易者也又云濡水出蒲陰縣西昌安郭南又東北逕樂城南東入博水按此所謂南濡合南易者也方輿紀要濡水在保定府完縣西南水經注亦謂之曲逆水志云今縣北一里有曲逆水繞縣東南合于祁水或以爲此卽祁水之別源非故濡水也此水經注之南濡也又濡水在易州之北源出州西北三十里窮獨山東南流支分入城又東南流入容城縣界或謂之北易水此所謂北濡也按寰宇記北易水與濡水同出窮獨山故其名通稱寰宇記又云濡水在莫州鄭縣西二十里東合易水左傳齊人伐北燕盟于濡上卽此處也紀要濡水在河間府任丘縣

西北二十里今與易水交流不復別爲一川此並北濡依杜預
至鄭縣入易之文也按水經注于滹水篇之濡水云自下樽水
亦兼濡水通稱昭公七年齊與燕盟于濡上杜預云云是濡水
與滹沱滹易互舉通稱矣一統志依城河

水經注滹水東北逕
依城北世謂之依城

河在保定府安州北卽古濡滹諸水下流也土俗稱州爲濡上

此並以南濡爲濡上也但水經注之文敘述不明方志所載又
隨附各縣不加區別故今並舉諸流略爲詮次南北各異使學
者勿惑焉水道提綱濡水台北易水至新城縣南境與拒馬河
會舉今之著名者言之

章華之臺 寰宇記章華臺在荊州江陵縣東三十三里臺形

三角名勝志又謂之豫章臺水經注江水又東得豫章口是也

皇清經解續編
范致明岳陽風土記華容世傳有章華臺非也古章華在今荊
州監利縣離湖上

吾與子桃 前志太山郡有桃山桃鄉二縣一統志桃墟在泗
水縣東南山東通志一作陶墟云舜所處也

辭以無山與之萊柞 水經注泰無萊柞並山名也郡縣取目
焉左傳曰與之無山及萊柞是也應劭十三州記曰太山萊蕪
縣魯之萊柞邑按此傳文義爲順水經注誤記也方輿紀要萊
蕪谷在泰安州萊蕪縣西南以山名邑卽今萊蕪谷有諸小山
矣

羽山 紀要羽山在海州贛榆縣西北八十里高四里周回八
里寰宇記羽潭在胸山縣西九十里去羽山一百步一名羽池

池上多生細柳野獸不敢踐又郡國志鍾離昧城南羽泉亦殛
鯨之處其水恆清牛羊不飲

八年經蒐于紅 按傳云自根牟至于商衛則蕭縣之虹亭非魯

所能至水經注以爲紅卽虹非也方輿紀要虹城在鳳陽府虹
縣西七十里地道記云大蒐于紅卽此誤也山東通志紅亭在
泰安府泰安縣南境郡國志紅亭在奉高縣西北按此劉昭注
非郡國志本文也

傳晉魏榆 服云魏邑也榆州里名水經注太原榆次縣卽魏
榆也一統志榆次故城在今太原府榆次縣西北元和志春秋
時晉魏榆地

虓祁之宮 水經注汾水逕絳縣故城北逕虓祁宮北橫水有

故梁截汾水中凡有三十柱柱徑五尺裁與水平蓋晉平公之
故梁也明一統志虎祁宮在平陽府曲沃縣西南四十九里

九傳以夷濮西田益之方輿紀要城父城在亳州東南七十

里按濮卽亳也水經注夏肥水上承沙水東南流逕城父縣故
城春秋所謂夷田在濮水西者也

貽 與蔡同一統志蔡縣故城在乾州武功縣西北二十二里

蒲姑 明一統志蒲姑城在青州府博興縣東北十五里服云

蒲姑齊也商奄魯也

肅慎燕亳 晉書東夷傳肅慎氏一名挹婁在不咸山北一統

志長白山在吉林城東南 甯古塔將軍駐吉林城 橫互千餘里舊名不咸

山亦名太白山今甯古塔黑龍江及奉天府之承德鐵嶺開原

諸縣並肅慎氏地秦本紀甯公二年遣兵伐蕩社三年與亳戰
亳王奔戎遂滅蕩社索隱曰西戎之君號爲亳王蓋成湯之胤
其邑曰蕩社正義曰括地志云雍州三原縣有湯陵又有湯陵
在始平縣西北八里按其國蓋在三原始平之界方輿紀要蕩
社在西安府三原縣西南

卒于戲陽 續志魏郡內黃縣有蕘陽聚水經注白溝自縣西
北流逕戲陽城東世謂之蕘陽聚一統志戲陽城在彰德府內
黃縣北

十傳戰于稷 史記索隱稷齊之城門也或云稷山名按山東
通志稷山在青州府臨淄縣西南十三里上有稷祠或曰齊稷
門稷下之名以此按戰處宜爲稷門

而反棘焉 山東通志棘里亭在青州府臨淄縣西境

與之夫于 通志夫于邑在濟南府長山縣西南二十里夫村

十一年 **經**盟于祿祥 彙纂云當在兗州府滋陽縣境按祿祥當

卽大庭氏之庫魯國以望祿祥故遂名爲祿祥應在曲阜縣

于岡山 方輿紀要蔡岡在汝甯府上蔡縣東十五里周二十

里

不羹 一統志西不羹城在許州府襄城縣東南二十里東不

羹城在南陽府舞陽縣西北

十二年 **經**北燕伯于陽 續漢志中山蒲陰縣有陽城方輿紀要

陽城在保定府完縣東南五十里

傳北燕伯款于唐 一統志唐縣故城在今保定府唐縣東北

有酒如澗 方輿紀要澗水出臨淄縣故城西南之申池分爲

二流西流曰系水北流曰澗水至博興縣界入于時水

齊乘澗水卽今

臨淄西門申池水北流者勢極屈曲俗稱九里十八灣過梧臺北小泥河入焉又北至博興李監橋入時水

假道于鮮虞 一統志新市故城在眞定府新樂縣西南古鮮

虞國縣志在縣西南四十五里新城鋪

遂入昔陽 劉炫謂肥鼓並在鉅鹿昔陽卽是鼓都而孔疏反

復辨之專護杜預樂平沾縣之昔陽然其說不能當劉之辨核

也顧棟高以下曲陽爲是樂平沾縣去中山絕遠爲非欽韓攷

昭二十二年荀吳略東陽襄二十三年趙勝帥東陽之師乃晉

山東之地在魏郡廣平以北

方輿紀要今冀州晉之東陽地

則荀吳略東陽入

昔陽滅肥滅鼓同在今晉州無疑不得移昔陽在沾縣也然劉

氏規杜以昔陽爲鼓都非肥都則有意矯之而非也鼓與肥同
在下曲陽縣故應劭漢書注司馬彪郡國志俱云下曲陽有鼓
聚此鼓于國也有昔陽亭此肥子所都後人連而讀之遂謂鼓
于國有昔陽亭傳云入昔陽者入其國都君立別邑其時肥未
滅肥漢志真定國肥纍縣故肥子國卽其別邑至八月壬午乃
并滅之而以其君歸入與滅爲二事則肥固有二邑矣昭公二
十二年負甲以息于昔陽之門外緣昔陽非鼓地故鼓不爲備
晉得襲滅之若如劉云鼓都則晉已坐甲于國門何得復爲僞
糴而云襲之也方輿紀要承杜預酈元之謬遂指晉州之昔陽
爲鼓子所都指山西樂平縣之昔陽爲肥子所都然樂平之昔
陽去鼓城三百餘里西隔大山又元和志云昔陽城一名夕陽

本非定稱其名偶同耳顧氏依違劉炫杜預之間則愈糾錯矣
劉昭郡國志注又于下曲陽縣下引杜樂平沾縣之昔陽此殆
不辨黑白者矣

次于潁尾 禹貢錐指潁水在潁州潁上縣南門外亦曰沙河
東南流至正陽鎮入淮謂之潁口卽春秋之潁尾也鳳臺縣志
今爲潁上縣之八里塚與縣境之楊家腦毘連亦謂之潁口

次于乾谿 一統志乾谿在亳州東南江南通志在東南七十
五里

僻在荆山 御覽一百九十二秣歸縣西有丹陽城周回十餘里卽

熊繹所居

獲沒于祗宮 紀年穆王元年十月築祗宮于南鄭十八年王

居祇宮諸侯來朝五十五年王陟于祇宮穆天子傳吉日丁酉
天子入于南鄭注今京兆鄭縣也

皇清經解續編卷六百五終

長沙王先慎
仁和葉維翰校

皇清經解續編卷六百六

春秋左氏傳地名補注十

吳沈欽韓文起著

昭公

十三經于平丘 水經注縣故衛地寰宇記在開封府封丘縣

東四十里一統志在大名府長垣縣西南五十里

傳會吳子于良 續漢志良城春秋時曰良方輿紀要良城故

城在邳州西北八十里

侵鮮虞及中人 續漢志中山唐縣有中人亭有左人鄉呂覽

慎大篇作老人中人淮南道應訓作尤人終人按晉語作老人

中人彼皆誤也方輿紀要中山城在保定府唐縣西北十三里

峭嶺上括地志之中山故城一名中人亭左城在縣西北四十

房申一統志吳房故城在汝甯府遂平縣西故房子國

歸于蔡一自此居新蔡一統志新蔡故城今汝甯府新蔡縣治

除館于西河一晉之地在河東西河則今山西吉陽二州之西

岸爲陝西延安府綏德州同州府皆是也秦本紀孝公八年魏

納河西地正義曰同丹三州丹卽今延安府宜川縣方輿紀要

黃河在縣東八十里其上流自榆林衛而南流經葭州綏德二

州之境又南歷青澗延川及延長縣

三縣並屬延安

而入縣境與山西

吉州分界又南流入同州韓城縣界府境東面之險也按戰國

時魏有西河之地吳起爲西河守蓋自華州以上濱河西岸皆

其地也張守節謂西河汾州者此舉漢魏以後西河郡所治非

春秋戰國時之西河矣

十五年 **傳**密須之鼓 方輿紀要陰密城在涇州靈臺縣西五十

里志云古之密國也呂覽用民篇密須之民自縛其主而與文

王

十六年 **經**誘戎蠻子殺之 續志河南新城有鄴聚古鄴氏今名

蠻中方輿紀要蠻城在汝州西南故戎蠻子國

傳至于蒲隧 續志下邳取慮有蒲姑一統志蒲陽坂在泗州

西北取慮故城在徐州府睢甯縣西南

甲父之鼎 山東通志甲父亭在兗州府金鄉縣西北境古侯

國炎帝之後一統志云在縣南

十七年 **經**戰于長岸 方輿紀要東梁山一名博望山在太平府

西南三十里西梁山在和州南六十里夾江對峙如門之闕亦曰天門山郡國志天門山一名峨眉春秋昭公十七年楚獲吳乘舟餘皇處也

傳涉自棘津元和志黃河西自新鄉縣界流入經汲縣南去縣七里謂之汲津亦謂之石濟津水經注晉伐陸渾于此渡按今衛輝府汲縣

其眾奔甘鹿方輿紀要鹿蹄山在河南府宜陽縣東南五十里甘水出焉彙纂云疑甘鹿以此得名水經注鹿蹄山在陸渾故城西北又以傳文證之似亦可據

年十八經邾人入邾一統志開陽故城在沂州府蘭山縣北故

邾國齊乘在沂州北十五里

許遷于白羽 一統志析縣故城在南陽府內鄉縣西北春秋時楚白羽地

傳昆吾稔之日也 紀年帝癸三十年商師征昆吾三十一年商自陞征夏邑克昆吾大雷雨戰于鳴條夏師敗績方輿紀要昆吾城在大名府開州二十五里

登大庭氏之庫 寰宇記大庭氏庫高二丈在兗州曲阜縣城內縣東一百五十步

十九年 傳遷陰于下陰 陰縣漢屬南陽郡魏分南陽立南鄉郡

晉武帝改名順德郡晉志云太康中置水經注沔水又東南逕陰縣故城西故下陰也 一統志在襄陽府光化縣西

若大城城父 杜預云今襄城城父縣城父當作父城在汝州

三
淮
水
經
鄭
縣
西
四
十
里
漢
潁
川
郡
晉
分
潁
川
置
襄
城
郡
按
傳
之
城
父
前
志
屬
沛
續
志
屬
汝
南
杜
預
誤

莒子奔紀鄆 淮安府志紀鄆城在海州贛榆縣西七十五里
按紀鄆山在縣西北七十里一統志當在東北未詳水經注淮
水分支北爲游水又東北逕紀鄆故城南故紀子帛之國也

洧淵 水經注洧水又東爲洧淵今洧水自鄭城西北入而東

南流經鄭城南一統志洧水俗名雙泊河自河南密縣南又東
逕新鄭縣北至陳州府西華縣入潁水按水道提綱滎陽水會
南來之磨河卽古溱洧諸水今總名小賈魯河雙泊河源出密

縣南山東至新鄭縣城南經扶溝縣城北東入賈魯河

滎陽水
經中牟

縣城北以下
俗目賈魯河

則洧水不能達潁而齊民不以雙泊河爲洧水末

詳

二十一年 經自鄆出奔宋

寰宇記大饗故城在曹州乘氏縣西北

三里故老云古之鄆城也後改名大饗城山東通志鄆城在曹州府荷澤縣西北三里

傳棠君尙 顧棟高謂是江甯府六合縣故棠邑者非也此當與楚近方輿紀要棠谿城在汝甯府遂平縣西北百里史記正義故城在豫州鄆城縣西八十里

戰于鬼閭 寰宇記閭倉城在陳州西華縣東北三十里

聊攝以東 水經注京相璠曰聊城縣東北三十里有故攝城今此城西去聊城二十五六里許山東通志聊城在東昌府聊城縣西北十五里攝城在古聊城東北三十里城東西三里南

皇清續解經緯
北二里東西隅有金城

姑尤以西之水
道提綱大沽河出登州府黃縣東南之廬山亦曰蹲犬山二源並導合南流經萊陽縣西境又西南至劉家莊西有小沽河自西北來會南流至膠州南麻灣口入海小沽河卽古尤水

侍于遯臺
肇域志遯臺在臨淄縣東一里通志在縣西五十里今名歇馬亭

逢伯陵因之
山東通志逢陵城在濟南府淄川縣西南四十里齊乘云逢伯陵商之諸侯封于齊

崔苻之澤
水經注役水又逕中牟澤卽鄭太叔攻崔苻之盜于是澤

二十一年經宋南里以叛彙纂云南里在今歸德府商丘縣境按

南里卽新里

傳華經禦諸橫水經注今在睢陽縣西南世謂之光城光橫

聲相近

華氏居盧門續志睢陽縣有盧門亭

于鴻口方輿紀要鴻口亭在歸德府東

于新里寰宇記新里縣故城在開封縣東三十里隋開皇中

分浚儀縣置因新里爲名一統志在開封府東秦舊邑也

戰于赭丘續志陳國長平縣有赭丘城一統志長平故城在

陳州府西華縣東北十八里

呂封人華豹爲呂邑大夫華氏之族名豹江南通志呂城在

徐州北五十里

二十二年經王猛居于皇續志河南鞏縣有黃亭有湟水劉昭曰

昭二十二年王子猛居于湟杜預云在縣西北水經注京相璠

曰訾城北三里有黃亭

入于王城王城卽河南縣去成周四十里成周今洛陽縣高

閔曰王城天子都而子朝之黨在焉故言入

傳鄒臍伐皇

水經注鄒城蓋周大夫鄒臍之舊邑又羅川亦

曰羅中蓋臍子鄒羅之舊居方輿紀要鄒城在鞏縣西南五十

八里

敗績于前城

水經注伊水逕前亭西昭二十二年晉箕遺等

濟師取前城者也京相璠曰今洛陽西南五十里伊闕外前亭

矣服虔曰前讀爲泉一統志前城在洛陽縣西南又曰泉亭

二十三年經于雞父 水經注決水自雩縣北逕雞備亭在光州固

始縣東南

傳晉師在平陰 方輿紀要平陰在河南府孟津縣東一里

邾人城翼 山東通志翼城在兗州府鄒縣東北費縣界

欲自武城還 山東通志武城在沂州府費縣西南八十里關

陽川之旁

單子取訾 續志注地道記曰訾城在鞏縣東一統志訾城在

鞏縣西南四十里

敗劉師于唐 續志洛陽縣有唐聚

攻蒯 續志河南縣有蒯鄉

二十五年經次于陽州至野井山東通志陽州城在泰安府東平

州東北境野井亭在濟南府長清縣東北四十里按水經注濟水北逕平陰城西又逕盧縣故城又東北右會玉水玉水又西北枕祝阿縣故城東野井亭西是平陰在野井之東公已越齊侯所約之平陰而逕至野井齊侯所以謝公

傳如闕

通志闕城在兗州府汶上縣南旺湖中南八十里

待于沂上 水道提綱雩河卽浴沂之沂水源出曲阜縣東南

之尼山下北流數十里折而西北六十里又西流經曲阜南又西南至兗州府城東南注泗水其大沂水出沂州府沂水縣西北之東鎮沂山經沂州府城東南又西南入江南邳州界經邳州城南西入運河

卒于曲棘 水經注陳留風俗傳曰外黃縣南有渠水在春秋
爲宋之曲棘里故宋之別都矣按外黃故城在開封府杞縣東
六十里

逸奔邱 山東通志邱城在泰安府東平州東南四十里

二十六年傳飲馬于淄者 此魯之淄水與出青州府益都縣顏神

鎮岳陽山東麓之淄水別也水經注淄水又西逕陽關城注汶

水一統志淄水在兗州府甯陽縣東北卽今小汶河源出泰安

府治東南泉河集于平地石縫中流出 水道提綱小汶河出新泰縣東北四里龍堂山

下齊乘泰山南亦有淄水按胡渭云卽柴汶也水道提綱董家

河源出泰山東南麓東南流五十餘里南入汶水卽古柴汶其

說與一統志異

使女寬守闕塞 水經注昔大禹疏以通水兩山相對望之若

門伊水厯其間北流故謂之伊闕陸機曰伊有四闕斯其一焉
河南府志闕塞山在府城南二十五里山之東有香山西龍門
遂次于尸 方輿紀要尸鄉在河南府偃師縣西三十里

萬民弗忍居王于彘 杜預云不忍害王也按與史記所載不
合劉炫以爲不能忍王之虐按紀年厲王十二年王亡奔彘國
人圍王宮執召穆公之子殺之此不能忍王之虐之證

二十七年傳師師圍潛 按續志及晉志廬江郡俱有潛縣杜預乃

舍潛而引六何也一統志潛縣故城在六安州霍山縣東北三
十里此漢之潛縣也江南通志潛城在廬州府廬江縣城南三
十里邑名潛川以此此蓋春秋之潛也

遇于窮 水經注引傳有谷字石經旁增谷字水經注淮水又
東北窮水入焉水出六安國安風縣窮谷一統志窮水在潁州
府霍丘縣西

及沙汭 水經注沙水東流注于淮渭之沙汭水道提綱淮水
折東北流經正陽關北壽州西境有沙河上承伊陽汝州郟縣
襄城之汝水登封禹州長葛許州臨潁之潁水滎陽以東開封
以南之賈魯河雙泊諸水自西北來會曰潁口

奔鍾吾 一統志司吾故城在徐州府宿遷縣北本鍾吾國也
舊志司吾鎮在縣北六十里

舊志曰浩澗在湖北六十里

秦賦浩澗一澗志曰浩澗在湖北六十里

以南之賈魯所鑿自浩水自西北來會曰澗

澗之浩水登陸禹限是萬有餘里湖屬之澗水禁則也東關桂

其東北流澗五湖關北澗陝西澗南好師土軍用澗澗秋澗

又西北一水澗其心水東澗好于澗南志澗水接澗澗澗水

澗澗三澗西

東北澗水入澗水出六澗國風澗澗澗一澗澗澗水在澗

皇清經解續編卷六百六終

長沙王先慎校

仁和葉維翰校

皇清經解續編卷六百七

南菁書院

春秋左氏傳地名補注十一 吳沈欽韓文起著

昭公

二十八年經次于乾侯 一統志斥丘故城在廣平府成安縣南春

秋時乾侯邑

傳鄆大夫 一統志鄆縣故城在汾州府介休縣東北二十七

里今爲鄆城店據釋文則太原之縣本作鄆今本地理志郡國志皆作鄆彼注先音一戶反又音於據反一戶反音字當作鄆則其誤已久郡國志引徐廣音於庶反則知舊本作鄆今釋文所辨之鄆當作鄆者仍訛爲鄆字

祁大夫 元和志祁城在太原府祁縣東南五里賈辛邑

平陵大夫

一統志大陵故城在太原府文水縣東北二十五

里晉平陵邑

一統志晉平陵邑

梗陽大夫

一統志梗陽故城在太原府清源縣南縣志今爲

縣南關

一統志

塗水大夫

一統志塗水城在太原府榆次縣西南二十里

馬首大夫

元和志馬首故城在太原府壽陽縣東南十五里

按壽陽今屬平定州

孟大夫

一統志孟縣故城在太原府陽曲縣東北八十里按

孟丙兩漢志皆作孟丙顧炎武曰以其爲孟大夫而謂之孟丙

猶魏大夫爲魏壽餘閻大夫爲閻嘉也

銅鞮大夫

方輿紀要銅鞮廢縣今沁州治其舊城在今州南

十里

平陽大夫 一統志平陽故城在平陽府臨汾縣西南隋改縣爲臨汾

楊氏大夫 漢志河東郡有楊縣魏分河東置平陽郡楊縣移屬晉志亦云楊故楊侯國其楊氏縣別屬鉅鹿郡非此楊氏也杜預注誤出一氏字一統志楊縣故城在平陽府洪洞縣東南十五里舊唐書地理志義甯元年改楊縣爲洪洞

魏戊謂閻沒 元和志閻沒墓在太原府清源縣西南三里

二十九年傳有颺叔安 漢志南陽湖陽縣古廖國彼注云左氏傳

作颺其音同方輿紀要蓼山在南陽府唐縣南九十里本古蓼國地山因以名蓼乃寥之誤

皇清經解續編
氏曰豢龍 一統志豢龍城在汝州寶豐縣東南五十里

以豕韋之後 續志注東郡白馬縣韋古豕韋氏之國方輿
紀要韋城在滑縣東南五十里紀年孔甲元年廢豕韋氏使劉
累豢龍

遷于魯縣 紀年孔甲七年劉累遷于魯陽之汝州魯山縣治
遂濟窮桑 山東通志窮桑城在兗州府曲阜縣北一作空桑
歸藏啟筮曰空桑之蒼蒼北極之既張乃有羲和是主日月職
出入以爲晦明卽此也

有烈山氏 杜預云烈山氏神農世諸侯也劉炫云烈山氏卽
神農非諸侯按祭法云厲山氏之有天下也其子曰農能殖百
穀注厲山氏炎帝也起于厲山在今隨州或曰有烈山氏按農卽柱

路史云烈山氏柱炎帝子也杜不讀祭法因有此謬

三十傳防山以水之 水卽淮水方輿紀要巉石山在泗州西

百三十里與盱眙縣浮山相對浮山在縣西百二十里北臨淮

水水經注淮水自鍾離縣又東經浮山北對巉石山

三十年經以濫來奔 一統志昌慮故城在兗州府滕縣東南六

十里邾濫邑

定公

元傳田于大陸 通典趙州昭慶縣隋爲大陸縣有大陸澤深

州陸澤縣有禹貢大陸澤方輿紀要廣阿澤在順德府鉅鹿縣

北五里亦曰大陸接趙州隆平縣界又云大陸澤在隆平縣東

北三十里亦曰廣阿澤疏云鉅鹿去河南千餘里魏子不應往

彼田獵按元和志深州西南至東都一千三百二十里水經注魏土地記曰修武城西北二十里有吳澤水陂南北二十許里東西三十里魏獻子田大陸卽吳澤矣一統志吳澤陂在衛輝府獲嘉縣西北

遷于邳 一統志上邳城在兗州府滕縣南晉書地道記仲虺城在薛城西三十里卽上邳也

二傳桐叛楚

一統志古桐國在安慶府桐城縣北

三傳肅爽

說文五方神鳥西方曰鷦鷯則賈謂色白馬謂似

鳥皆得之一統志驩驩陂在德安府隨州北唐城鎮白雲鄉按唐國地陂以此爲名

四經盟于皋鼬 一統志城皋亭在許州府臨潁南定四年盟

于皋馳卽此地

許遷于容城 水經注南郡華容城春秋許遷于容城是也方輿紀要華容城在荊州府監利縣東五里應劭以爲楚遷許之容城誤也按其地當在南陽府或曰在葉縣西

戰于柏舉 水經注江北岸烽火洲卽舉洲也北對舉口春秋

定公四年吳楚陳于柏舉京相璠曰漢東地矣於漢爲郟縣屬

江夏郡元和志龜頭山在黃州麻城縣東南八十里舉水之所

出春秋吳楚戰于柏舉卽此地方輿紀要黃州府麻城縣東北

三十里有柏子山吳楚陳于柏舉蓋合柏山舉水而名一統志

舉水出麻城縣東北黃檗山西南流入黃岡縣南三十里入江

在麻城名岐亭河入黃岡縣界謂之舊州河其入口處謂之三

江口

傳封父之繁弱 方輿紀要開封府封丘縣古封父國漢書注

繁弱夏后氏良弓名

命以伯禽 洛誥王命周公後作冊逸誥傳云王爲冊書使史

逸誥伯禽封命之書疏云定四年左傳云命以伯禽卽史逸所
讀之策也紀年成王八年王初蒞祚親政命魯侯禽父遷庶殷
于魯卽此伯禽之命也以下文康誥唐誥蔡仲之命推之知命
伯禽爲策命之書杜預云皆以付伯禽可爲目不知書

自武父以南 方輿紀要武父城在開州東明縣西北杜預謂

此非河南武父然祝鮀方侈言分土之廣且康叔封時未有鄭
國無妨先屬衛也

相土之東都 紀年帝相十五年商侯相土遷于商丘帝芒三十二年商侯遷于殷則商丘是東都今之歸德府
舍舟于淮汭 杜預過蔡而舍之按蔡都今汝甯府新蔡縣尖
伐楚從淮入江不能過蔡境也淮汭蓋在光潁之境

自豫章與楚夾漢

輿地紀勝圖經云豫章卽今德安府安陸

縣東三十里之章山也名勝志唐李白娶安陸許氏及流夜郎妻在父母家有寄內詩云南來不得豫章書亦謂安陸之豫章也按水經注江津豫章口東有中夏口紀要荊州府東南二十里有夏水口亦謂之豫章口按漢水與夏水通稱爲漢故酈注又云自堵口下沔水兼通夏目而會于江謂之夏汭以豫章口解此豫章于本句爲當而下有濟漢之文則非江陵之豫章口

也

還塞大隧直轅冥阨 寰宇記石城山在信陽軍故鍾山縣東

南呂氏春秋之九寨此其一也元和志義陽有三關之塞平靖

關在申州義陽縣南七十六里武陽黃峴二關在安州應山縣

界方輿紀要平靖關在德安府隨州應山縣北六十里

一統志縣東北

七十 卽古龜阨也西北去信陽州九十里又百鴈關在縣北九

十里卽古直轅也亦曰黃峴關亦曰九里關北去信陽州九十

里又武陽關在縣東北百三十里卽古大隧也亦曰禮山關

一統

志今名

大寨嶺 西北至信陽州百五十里卽所謂義陽三關也按冥阨

爲信陽州東南境固無疑惟大隧直轅二塞指爲義陽三關之

二始見於通鑑地理通釋恐未可信也

自小別至于大別 元和志魯山一名大別山在沔州漢陽縣
東北一百步小別山在汶川縣東南五十里漢陽府志小別山
一名甌山在漢川縣東南十里一統志舊志大別山在漢陽縣
東北半里漢江西岸江水逕其南漢水從西北來會于山之東
南山口北嶺有峽曰新野其山曰魯山合而南曰汶川之巔也
及清發水水經注澗水南逕石巖山北卽春秋吳從楚師及清
發蓋澗水兼清水之目矣元和志安州安陸縣澗水故清發水
也注于沔謂之澗口

敗諸雍澁 元和志澁湖一名翁湖在岳州巴陵縣南二十里
吳人敗楚于雍澁卽此是也按此說非也吳旣舍舟登陸必不
復涉大江方輿紀要澁水在安陸府京山縣西南八十里下流

合縣前河通于漢江或以爲春秋時之雍澁彙纂京山縣西南
有三澁水春秋之雍澁其一也

涉睢 方輿紀要沮本作睢沮水出鄖陽府房縣西南二百里

之景山東南流經襄陽府南漳縣南境又南逕荊州府夷陵州
之遠安縣東而入安陸府荊門州界至當陽縣北又東南與漳

水合至枝江縣入大江水道提綱江水又東至江陵縣西南境
之澆口北岸有沮河漳河北自古麥城合而南流注之按此昭

王涉睢自郢都趨東北走故下云涉睢濟江入雲中杜預謂西

走者非山奔 荆川志東南十里一蘇志濟水大派山奔

王奔鄖 方輿紀要楚王城在德安府雲夢縣東昭王奔鄖城

因此名 注于大派山奔

五傳夫槩王于沂 方輿紀要西塞山在武昌縣東百三十里
近山有流沂城

于軍祥 彙纂云當在德安府隨州西南按此卽安陸之鍾祥

縣

爲堂谿氏 一統志堂谿城在汝甯府西曲平縣西北百里韓
非子外儲說有堂谿公蓋夫槩王之後

吳師居麋 一統志麋城在岳州府巴陵縣東南三十里有東
西二城顧棟高以爲太遠非吳與楚戰地按安陸當陽縣東南
六十里有麋城與京山縣接壤此爲較近

將涉于成曰 水經注沔水又東南與白水合水出竟陵東北
聊屈山又名盧屈山定公四年楚昭王濟于成曰者也方輿紀

要曰水在安陸府東三十里一統志今名曰成河西流經寨子河注于漢水其入漢處謂之白口

六年傳取匡 方輿紀要匡城在開封府洧川縣東北

遷郢于郟 一統志都縣故城在襄陽府宜城縣東南九十里馮滑 東觀漢記魏之別封曰華侯華侯孫長卿食采于馮城卽此也滑見僖三十三年注

負黍狐人闕外 一統志負黍亭在河南府登封縣西南水經注京相璠曰負黍在陽城縣西南二十七里世謂之黃城續志潁陰縣有狐宗鄉或曰古狐人亭在今許州臨潁縣闕外卽伊闕之外

七年經盟于沙 方輿紀要沙亭在大名府東左氏謂之瑣晉地

道記元城縣南有瑣陽城蓋卽沙亭矣

八年經公會晉師于瓦 水經注酸瀆水又東南逕瓦亭南

傳伐穀城 方輿紀要穀城在河南府城西北十八里

乃止諸州 州河內縣詳隱十年傳

棘下 山東通志棘下在魯城內按鄭志我先師棘下生蓋卽

此棘下

五父之衢 通志五父之衢在曲阜縣東南五里

謹陽關以叛 水經注汶水又南逕陽關城西本鉅平縣之陽

關亭矣陽貨據之以叛續志濟北蛇巨縣有下謹亭山東通志

下謹城在泰安縣南境

九年經次于五氏 一統志五氏城在廣平府邯鄲縣西杜預云

皇清經解續編
諱伐盟主以次告齊衛既攜于晉方且逞強以搖魯何有所諱
家鉉翁曰不與之以伐也

晉車千乘在中牟 索隱曰此趙中牟在河北非鄭之中牟也
水經注管子築五鹿中牟鄴以衛諸夏後屬晉方輿紀要中牟
城在彰德府湯陰縣西五十里史記趙獻侯徙居中牟

十經于夾谷 山東通志夾谷在青州府博山縣東境各志託

名不一郡國志云漢置祝其縣春秋夾谷地滕縣志云縣東北
有祝其城泰安州志云州東南有谷里古夾谷也萊蕪縣志縣

南三十里連新泰縣界有夾谷峪左爲龍門崖右爲鳳皇山春

秋之夾谷卽此淄川志縣西南四十里甲山本名祝其山上爲

夾谷臺 明一統志主濟南淄川之說云縣西南三十里之數 金史志云淄川縣有夾谷山

指此也水經注云舊說齊靈公滅萊萊民播流此谷邑落荒蕪故曰萊蕪夾谷之會齊侯使萊人以兵劫魯侯是也厯考諸說當以水經注爲近就谷用萊俘事密勢順較他處爲有據耳欽韓按今一統志斥淄川夾谷之傳訛云夾谷峪在泰安府萊蕪縣南三十里又云夾谷山在海州贛榆縣西四十里而辨云祝其漢縣在贛榆縣西五十里知夾谷宜在此處攷寰宇記海州懷仁縣云夾山在縣西三十八里左傳夾谷此一統志所據也然齊魯好會宜就兩國境上胡爲遠至海濱漢之祝其不必卽傳之祝其顧炎武日知錄云齊魯之境正在萊蕪東至淄川則已入齊地百餘里是顧氏亦以萊蕪之夾谷爲是也

龜陰田 一統志龜山在泰安府新泰縣西南四十里山之南

卽兗州府泗水縣

圍郕 齊乘郕城在沂州東三十里通志在沂州府蘭山縣東北四十里故縣社按水經注無鹽縣之郕鄉城郕昭伯之故邑定十二年叔孫氏墮郕今其城無南面一統志在東平州南四十里然則魯有兩郕邑

秋圍郕 按兩圍郕傳雖明其事經文不應復出公羊經于此秋作圍費

十二年 傳登武子之臺 水經注曲阜上有季氏宅宅有武子臺今雖崩夷猶高數丈曲阜縣志季武子臺在今城東北二里

十三年 經次于垂葭 山東通志垂葭在曹州府鉅野縣西南境

按葭密城在荷澤縣西北二十五里葭密寨疑垂葭卽葭密非

是一處

築蛇淵圍 水經注京相璠曰濟北有蛇丘城城下有水魯圍也

十四年

經敗吳于檇李

越絕書語兒鄉故越界名就李吳疆越

地以爲戰地至于柴辟亭句踐更就李爲語兒鄉按就李卽檇李也嘉興府志檇李城在秀水縣西南七十里

于牽 水經注淇水東北逕枉人山東牽城西定十四年會于牽者是也一統志牽城在衛輝府濬縣之北十八里

城莒父及霄 山東通志莒國卽今沂州府莒州境一云卽魯

之莒父邑今州治西南有子夏祠顧棟高云莒係以父魯人語音如梁父亢父單父是也

于百泉 方輿紀要蘇門山在衛輝府輝縣西北七里一名百

門山有百門泉或謂之百泉定十四年晉人敗范氏于百泉

十五年傳敗宋師于老丘寰宇記老丘城在開封府陳留縣北

四十五里

哀公

水經注其水東北流入山東濰縣西定十四年魯

元年傳敗越于夫椒索隱賈逵云越地近得之然其地闕不知

所在杜預以爲太湖中椒山非也夫差以報越爲志伐越當在

越境何以不離吳境近在太湖乎按越絕越地記夫山者句踐

絕糧困地去山陰縣十五里此夫椒在越之證矣向來湮于俗

說故地志不載于山陰而吳縣太湖中之包山偏得夫椒之名

保于會稽 越絕禹上茅山大會計爵有德封有功更名茅山

曰會稽山名勝志會稽山在紹興府城東南十二里

逃奔有虞一統志虞縣故城在歸德府虞城縣西南三里

而邑諸綸續志梁國虞縣有綸城少康邑括地志故綸城在

虞城縣東南紀要虞城縣東南三十五里外氏于

取棘蒲一統志棘蒲故城今趙州治

二年經盟于句繹方輿紀要葛嶧山在兗州府嶧縣東南十五

里句葛聲同而誤

帥師戰于鐵公羊疏云服本無帥師二字水經注河水東逕

鐵丘南一統志鐵丘在大名府開州北紀要云北五里

傳右河而南必至焉溝洫志河歷龍門二渠以引河一則潔

川今所流也一則北瀆王莽時空宋史河渠志參知政事張洎

言曰禹于貝丘疏二渠以分水勢一渠自武陽縣東引入漯水其水東北流至于乘縣入海卽今黃河是也一渠疏畝引旁西山以東北形高敞壞堤水勢不便流溢夾右碣石入于渤海禹貢錐指云其一漯川自黎陽

今瀋縣

大伾山東北流至于乘入海

其一河之正流自大伾山西南折而北爲宿胥口又東北逕鄴縣東至列人斥章縣界合漳水是爲北過泲水按春秋時河猶北流故晉軍自北渡至王莽時空故水經注謂之故瀆杜預云是時河猶北流者正謂漢以前如此而今但并于漯川水經注大河故瀆東北逕戚城西又逕繁陽故城東陰安故城西方輿紀要黃河故瀆在開州泊南大河舊道在大名府內黃縣及清豐縣西南漢時河皆經此戚城在開州北七里

舊五代史同光三年三月己酉

車駕發鄴宮辛亥至德勝城登城四望渡河南觀廢柵舊址至楊村塞沿河至戚城按此則後唐時戚城猶在河南亦其證也德勝城在開州東南五里楊村在州西南十五里

獲其蠡旗 王子年拾遺記武王東伐紂夜濟河時雲明如晝八百之族皆齊而歌有大蜂狀如丹鳥飛集王舟因以鳥畫幡旗翌日而梟紂名其船曰蠡舟哀公二年趙簡子蠡旗則其類也

三經城啟陽 方輿紀要開陽城在沂州北十五里山東通志即鄆國之啟陽

皇清經解續編卷六十七終

皇清經解續編卷六十七終

皇清經解續編卷六十七終

皇清經解續編卷六十七終

皇清經解續編卷六十七終

皇清經解續編卷六十七終

皇清經解續編卷六十七終

皇清經解續編卷六十七終

長沙王先慎校
和葉維幹

皇清經解續編卷六百八

南菁書院

春秋左氏傳地名補注十二 吳沈欽韓文起著

哀公

年四傳襲梁及霍 一統志梁縣故城在汝州西南四十五里霍

山在汝州西南六十里霍陽聚在州東南水經注霍陽山水又

逕梁城西周小邑也戰國爲南梁矣

奔晉陰地 方輿紀要陰地城在河南府盧氏縣東北

起豐析 水經注豐鄉川水逕豐鄉故城南京相璠曰地理志

屬宏農今屬南鄉 一統志豐鄉城在南陽府淅川縣西南

以臨上雒 一統志上雒故城今商州治

軍于菟和 商州志菟和山在州東一百十里續志京兆上雒

有菟和山蒼野聚

志蔡州山在州東一百十里

軍于蒼野

水經注丹水自蒼野又東歷菟和山一統志蒼野

聚在商州東南一百四十里

水經注丹水自商縣東南流注歷少習出武關商

通于少習

水經注丹水自商縣東南流注歷少習出武關商

州志關在州東武關山下當官道設關北接高山南臨絕澗

昇楚師于三戶

紀年顯王二十二年孫何侵楚入三戶郢一

統志三戶城在南陽府淅川縣西南

東南水經注丹水自商縣東南流注歷少習出武關商

趙稷奔臨

元和志趙州臨城縣西南十里有古臨城

正甲

任欒鄙逆時

方輿紀要任城在順德府任縣東南元和志故

欒城在趙州平棘縣西北十六里春秋晉邑又趙州柏鄉縣本

春秋時晉鄙邑之地水經注濡水迴湍曲復亦謂之曲逆水春

秋齊國夏取晉曲逆是也方輿紀要曲逆城在保定府完縣東南二十里

陰人孟壺口 方輿紀要陰地關在霍州靈石縣西南百二十里出汾晉之間道也大孟城在太原府東北八十里壺關山在潞安府東南十三里延袤百餘里東接相州崖徑險狹形如壺口彙纂云在今山西潞安府黎城縣東北太行山口俗名吾兒峪是也按元和志云齊國夏伐晉取八邑有孟口孟口卽壺口也聲相近故有二名然以孟口爲壺口卽八邑之數缺其一李說非也又續志上黨郡潞縣劉昭引此傳壺口然昭復引曹公從河河口鑿潞河名泉州渠則漁陽郡之潞縣今直隸通州矣劉昭舛誤最多一事兩引不辨方隅者也

于柏人 元和志柏人故城在邢州堯山縣西北十二里按今
爲順德府唐山縣

六年經城邾瑕 一統志邾婁城在濟甯州南十里定六年城邾

瑕卽此通志邾瑕城在州南二十里

傳攻大冥 彙纂云當在陳州項城縣境

以安孺子如賴 續志濟南營縣有賴亭方輿紀要賴亭在濟

南府東近章丘縣界通志賴亭在歷城縣東境

七年傳成子以茅叛 山東通志茅鄉城兗州府金鄉縣西境彙

纂云在金鄉縣西北四十里

囚諸負瑕 水經泗水西過瑕丘縣東注云春秋之負瑕矣昔

衛公叔文子升于瑕丘曾子弔諸負夏鄭君皇甫謐並言衛地

魯衛雖殊土則一也一統志瑕丘故城在兗州府滋陽縣西二

十五里

黍丘

至

杜預云梁國下邑有黍丘亭按曹是小國既云築

邑于其郊必不得遠至梁國之下邑

今歸德府夏邑縣

劉昭注奉杜預

爲主蓋南學尙杜也彙纂及顧棟高表亦依仍之而虛指其所

在恐誤後人也

入

經及闡

山東通志闡邑在兗州府甯陽縣東北境爾雅汶

別爲闡紀要在縣東北三十五里故剛城北

傳以伐武城克之

劉炫以爲實克武城者是孔氏佞杜力主

武城尙未克按此南武城也續志泰山郡南城是又有東陽城

方輿紀要南武城故城在沂州費縣西南九十里東陽城在縣

是書經詳實編

左傳地名補注十二

西南七十里下傳吳師克東陽而進則先經之武城固已克之
何須教吳必可克乎水經注卷之八山濤志泰山濤南城故文音本
舍于五梧山山東通志東陽城在沂州府費縣西南六十里東
陽邨又北爲五梧城北二十五里城而多殺國士不如已也尉繚子制談篇先死者未嘗非多力
國士也損敵一人而損我百人此資敵而傷我甚焉

九年經取鄭師于雍丘方輿紀要雍丘城今開封府杞縣治

傳吳城邗溝通江淮水經注昔吳將伐齊北伯中國自廣陵
城東南築邗城城下掘深溝謂之韓江亦曰邗溟溝自江東北
通射陽湖地理志所謂渠水也西北至末口入淮李燾續通鑑
長編雍熙元年二月淮南轉運使喬惟岳開故沙河自末口至

淮陰磨般口凡四十里方輿紀要揚州府東南二里官河邗溝也今爲漕河蓋江南之漕廣陵當其咽喉上江來者至自儀真下江來者至自瓜州會于揚子橋東北過府城凡六十里而入邵伯湖又北行六十里入高郵界又北四十里至界首入寶應湖又北至黃浦入淮安界爲山陽瀆山陽瀆在淮安府城南北神堰在府城北五里古末口也吳溝通江淮之處後人于此立堰以淮水低溝水高防其洩也舟行度堰始入淮

十年傳將自海入齊方輿紀要海在蘇州府東百八十里北爲

揚州府之東境又西北經淮安府之東自海州而北爲山東青州府境在青州府日照縣東二十里與贛榆縣接界

按日照縣地今屬沂

州折而東北爲萊州府之膠州境

取犁及轅 杜預云濟南有隰陰縣按潔本作濕訛爲隰晉志
濟南無潔陰漢志屬平原蓋晉志爛脫也轅漢志作瑗水經注
潔水東北逕援縣故城西杜預云轅卽援也又東北逕潔陰縣
故城北縣故犁邑也一統志瑗縣故城在濟南府禹城縣南潔
陰故城在臨邑縣西

十一 年 **經戰于艾陵** 山東通志艾邑在泰安府萊蕪縣東境

傳及清 山東通志清亭在泰安府東阿縣西大清河西

克博至于羸 一統志博縣故城在泰安府東南通志在泰安

縣東南三十里舊縣邨羸城在萊蕪縣西北四十里

寘于犁 一統志黎縣故城在曹州府鄆城縣西按犁黎字通

寰宇記黎丘在鄆城縣西四十五里

使處巢 寰宇記巢城在開封府襄邑縣南二十里

十二年 經于橐皋 江南通志橐皋城在廬州府巢縣北六十里

一名會吳城按杜預云淮南者沈約州郡志云魏復九江爲淮南郡今治壽春

宋皇瑗于郎 名勝志今有立發口在通州如皋縣西北二十里卽發繇口彙纂云縣東立發壩古發陽也亦名古郎按郎是江淮間地遠在通州非也乃古來相傳之誤

傳玉帳 彙纂開封府杞縣東北三十里有玉帳或云古玉帳

十三年 經于黃池 漢志注臣瓚曰 水經注云薛瓚孔疏 陳留外

黃縣有黃溝續志平丘有黃池亭元和志黃池在汴州封丘縣

南七里

傳自泓上觀之

吳地記胥門西五里有越來溪乾隆吳縣志

石湖沿楞伽山而南爲越來溪溪流貫行春橋及越溪橋以入橫塘越兵自此溪來入吳故名按泓上蓋卽今之橫山橫泓聲近

見姑蔑之旗

一統志姑蔑故城在衢州府龍游縣北舊志在

穀水之南今人呼爲寺城麓

及戶牖

一統志東昏故城在開封府蘭陽縣東北二十里本

古戶牖鄉至漢以爲東昏縣

十四

年經實于舒州

續志魯國薛城縣本國六國時曰徐州按

此舒州史記作徐州索隱曰徐字從人說文作邕並音舒齊策一楚威王戰勝于徐州高誘注徐州或作舒州一統志薛城在

滕縣南四十四里亦名爲徐州山東通志邾城在滕縣南薛城邾下邑竹書紀年梁惠成王二十一年邾遷于薛改徐州亦曰舒州據紀年則薛邑之舒州戰國時所改且田恆放其君宜在齊境豈肯遠在邾魯之境乎

傳西狩于大野 山東通志麟臺在曹州府鉅野縣東十里鋪臺側有獲麟渡縣東南三十里有麟冢又云獲麟堆在兗州府嘉祥西二十五里都城記云鉅野縣十二里澤中有二臺廣輪四十五步俗謂之獲麟堆今析入縣境

于檀臺 山東通志檀臺在臨淄縣東北一里

以鞏易薄 薄卽亳兩漢志皆作薄湯所居故曰宗邑

逢澤有介麋焉 紀年惠王二十三年會諸侯于逢澤卽漢志

臣瓚所云逢陂在浚儀于此爲遠也水經注睢水于睢陽城之陽積而爲逢洪陂則逢澤應在睢陽按馬融洪範注逢大也睢陽之大澤無過于孟諸矣顧祖禹云逢猶過澤卽孟諸

葬諸巨輿谷一統志輿城在沂州府費縣西司馬牛墓在縣南

成山

西之十五里十五里傳及桐汭元和志桐汭水在宣州廣德縣西十五里一

年統志桐水在廣德州城西北流經建平縣南又西北流入江甯

府高淳縣界按元和志丹陽湖在宣州溧水縣今屬江甯府西南二

十八里與當塗縣分中流爲界通志湖源有三一出徽州府黟

縣者爲舒泉一出廣德州白石山者爲桐水一出溧水縣廬山

者爲吳漕水俱匯于湖其流有二一西出蕪湖一西北出當塗

始孰俱入江

及良而卒

良卽良城縣在邳州

伐晉冠氏

水經注喬亭城去館陶十五里春秋之冠氏一統

志冠氏故城在東昌府冠縣北晉冠氏也

飲孔惺酒于平陽

水經注滑臺城卽鄴廩延邑其南故城卽

衛之平陽亭一統志平陽城在衛輝府滑縣南

年十六傳爲白公 水經注青陂水分爲二水一水南入淮一水

淮南逕白亭北又東逕吳城南子西召太子建之子勝于吳勝

入居之故曰吳城一統志白公城在光州息縣南息縣志云縣

西南七十里故曰白城

吳人伐慎 水經注潁水又逕慎縣故城南縣故楚邑一統志

三清系角經
一
慎縣故城在潁州府潁上縣西北

顏黃氏 彙纂云顏黃在今甯國府境

十七年 傳禦之笠澤 一名勝志三江者松江婁江東江也一江西

南上七十里至太湖曰松江古笠澤

登昆吾之觀公一統志昆吾故城在開州東括地志昆吾臺在

濮陽縣西百步

見戎州 索隱云陳留濟陽縣東南有戎城濟陽與衛相近故

莊公登臺望見戎州又隱七年戎伐凡伯于楚丘以歸是戎近

衛按楚丘非衛文公之楚丘也傳又云公自城上見已氏之髮

美則逼近衛郊方能審諦曰州者是其州黨之名矣何得徵濟

陽之戎墟假楚丘之異地以爲衛君眺覽所及乎一統志濟陽

城在開封府蘭陽縣北五十里

公會齊侯盟于蒙 山東通志蒙陰故城在沂州府蒙陰縣西

南十五里水經注桑泉水又東南逕蒙陰縣故城北今謂之西城子又一城在縣東十里綿山下爲東城子晉之蒙陰城也晉志蒙山在其東南

十九年傳追越師至冥 方輿紀要饒州府餘干縣春秋時爲越

之西境按其北境爲廣德州冥地蓋在苦嶺關四安鎮之間與

湖州長興縣安吉州接界

二十一年傳出居于艾 方輿紀要艾城在南昌府甯州西百里

二十一年傳盟于顧 一統志顧城在曹州府范縣南三十里通志

云縣南五十里

皇清經解賣扁

左傳地名補注十二

二十一年傳吳王居甬東 一統志翁山故城在甯波府定海縣東

三十里翁山下春秋時越之甬東也韋昭曰甬東句章東海口

外州也

越人以歸歸其尸于吳也越絕書夫差冢在猶亭西卑猶之

位越王侯

史記注作候同
名勝志作令

干戈人一累

史記注
作螺

土以葬之近太

湖去吳縣十七里

史記注作
五十七里

名勝志徐候山在陽山西北十里

一名卑猶山一名餘杭夫差既伏劍越王以禮葬之秦餘杭山

長洲縣志陽山一名秦餘杭山在城西北三十里徐候山在陽

山西北十里蓋卑猶小山爲陽山支阜故通得秦餘杭之名

二十三年

傳戰于犁丘

彙纂山東濟南府臨邑縣有犁丘亭通志

縣治西南有犁丘子讀書處

二十五年傳請適城鉏彙纂云今大名府滑縣東有鉏城水經注云濮陽西南有鉏巨城是也按滑縣之鉏城去越遠矣疑襄十年會吳于柤者也

二十六年傳公游于空澤水經注獲水東南逕空桐澤北澤在虞城東南左傳公游于空澤卽此寰宇記空桐亭在宋州虞城縣南五里

三十七年傳盟于平陽前志泰山郡有東平陽山陽郡有南平陽山陽之平陽晉志屬高平郡兩漢志皆加南字晉志亦作南平陽此注西平陽誤一統志南平陽故城今兗州府鄒縣治通志則云南平陽城在縣西三十里

及留舒水經注魚山上有柳舒城魏東阿王曹子建登之有

終焉之志山東通志柳舒城在泰安府東阿縣西境本作留舒

假天南平則越沂縣西三十里

州地西平則越一縣志南平則越越今交廣深微細前限

山則必平則晉志風高平微爾將志晉城南平則晉志

山則必平則晉志風高平微爾將志晉城南平則晉志

南平則晉志風高平微爾將志晉城南平則晉志

州地西平則越一縣志南平則越越今交廣深微細前限

山則必平則晉志風高平微爾將志晉城南平則晉志

山則必平則晉志風高平微爾將志晉城南平則晉志

山則必平則晉志風高平微爾將志晉城南平則晉志

皇清經解續編卷六百八終

今大谷和州線

長沙王先慎校
仁和葉維幹

跋

同邑沈小宛先生欽韓著作等身皆未之見此左傳補注十二卷左傳地名補注十二卷假之顧孝廉瑞清屬胡君家董余弟錫誥分任影鈔其譌缺者略加校補藏諸家塾是書

國朝

有崑山顧氏吳江朱氏元和惠氏桐城姚氏馬氏陽湖洪氏諸家補注而此注訓解名物剖析字句尤有詳贍於諸家者惟僖十七年傳雍巫史記集解引賈逵說謂是易牙索隱謂其未知何據而以爲卽管子之棠巫先生取索隱說而更證以呂覽知按篇之常知巫不用賈義昔先君子饌羣經索隱駁去小司馬之說曰棠與雍形聲俱不相近侍中之說雖不知所本然必受諸先師決非憑空臆造况雍卽饗字省文儀禮公食禮雍人倫

膚少牢禮雍人概匕並以雍爲饗可證又國策齊桓公夜半而
噉易牙乃煎熬燔炙和調五味而進之是易牙固以烹調事桓
公雍當是易牙之官昭二十五年傳雍人檀亦於官下舉其名
是其例也襄二十一年傳美而不使據唐石經王充論衡下添
視寢二字遂以使爲幸婦人古無此訓二十八年傳鄭伯廷勞
于東門之外以廷爲古文往字而以作誑字用者爲本於說文
之譌引傳文爾無我廷一語不知鄭風人實廷女亦以廷爲誑
毛詩爲古文則古文往誑二字並通用誑若斯之類均有可商
其餘駁正注疏謬說申明賈服古誼則誠盲史氏之功臣也昔
先君子嘗謂爵曰治左氏當以賈服爲主博采魏晉至

國

朝諸家之說爲之箋疏如余之治論語庶幾古誼可以復顯余

老矣有志未逮汝其勉之爵敬識之今先君子歿已十稔爵愧不能繼述然纂集之志不敢一日懈也倘異日者得以采輯成書質諸海內之治左氏者豈非私心所願哉與先生同時治左氏者有廣陵劉孟瞻先生文淇橐本未刊聞同邑錢茂才綺箬有左札三卷爵亦未之見附誌之以論當世之爲左氏學者咸豐己未秋月後學潘錫爵跋于安石榴院

皇清經解續編卷六百九

南菁書院

儀禮經注疏正譌一

嘉定金曰追璞園著

士冠禮第一

鄭目錄

句讀

主人元冠朝服則是仕於諸侯

句

天子之士朝服

皮弁素積

以諸侯絕句故通解外注曰言主人元冠朝服則是仕於諸侯而爲士者若天子之士則其朝服當用皮弁素積不得言元冠朝服也鄭本文如此今見義疏義而釋文乃以天子二字加於諸侯之上則舛謬而無文理矣
溫本亦誤今定從疏追案今本遵用朱子所定

疏

脫字

大戴戴德小戴戴聖與劉向爲別錄

今本大戴下戴聖上脫戴德小戴四解改

又脫字此筮不服此服乃服朝服

不服上脫此筮二字並依通解校補正

又脫文云天子與其臣元冕以視朔皮弁以日視朝諸侯與

其臣皮弁以視朔朝服以日視朝者

朝下者上脫諸侯以下十七字今據上下文義補之

又誤字證此元冠朝服而筮者

冠誤作冕

又誤字若云天子用元冕諸侯用皮弁

下用字誤作同並依通解改

有司至北上

注義字所自辟除府史以下

句未監本有也字明錢塘鍾氏本無也字按疏及楊圖

同

又誤字今時卒史及假吏皆是也

卒吏通解引疏作卒史沈彤曰按漢書兒寬傳補廷尉
文學卒史黃霸傳補左馮翊卒史儒林傳置五經百石
卒史皆作史當據改正

布席至西面

疏疑字此所布之席擬卜筮之事

疑當作擬燕禮膳宰具官饌疏云擬燕其例也

筮人至主人

皇青巫淫解賣扁

儀禮經注疏正譌一

注^美筮人有司主三易者贖藏筮之器

監本者下器下並美也字今依疏文及楊圖敖說正之

疏^脫遂述命乃釋贖立筮

今本乃上脫遂述命三字乃下脫釋贖二字當依少牢

元文及通解補

又^脫筮卽著也曲禮曰筮爲筮是也

此十二字舊存疏文據筮時之事下今本脫依通解補

又^脫彼卿大夫禮有述命此士禮略故不述命耳

此十七字舊在疏文但筮法不殊句但字之下今本脫

依通解補

筮人許諾^至在左

注衍有司主畫地識爻者

者下監本衍也字據疏及楊圖校

疏

誤衍字

主爲筮人而言

主下誤衍人字當乙之

宗人告事畢

注

衍字

宗人有司主禮者

者下衍也字今依疏及敖說鍾本乙之

前期

至

之儀

疏

脫字

爲加冠之正賓也

賓上脫正字據通解補

夙興

至

洗束

疏誤倒夏屋今之門廡也漢之門廡兩下爲之

也字通解本在漢時門廡上與檀弓注合當依改正

又誤字文不具也

疏末文不具也文誤是依通解改

爵弁至 韎韐

注衍冠弁不與衣陳而言於上以冠名服耳

冠弁下今本誤衍者字依疏疊注文乙之

疏脫字績麻三十升布衣之

布下脫衣之二字據通解補正

皮弁至 素韞

疏誤字皮弁至三王不變

皮弁今本誤布弁依通解改

元端至爵鞞

疏

脫字誤字

若然則大夫之元端素鞞則當爲素裳乃與朝服

不異者禮窮則同也

今本作若然大夫素裳則與朝服云云若然下脫則字

大夫下脫之元端素鞞則當爲八字乃字誤則字並依

通解校正

緇布至同篋

注

脫字

屈組以爲紘

今本脫以字據下加皮弁節疏所引則爲上當有以字

疏

脫字

云結項中者

今本脫中字依通解補

側尊至南上

注誤字勺尊斗

斗今諸本並誤作升按疏謂少牢鬯水有料與此勺爲一物故云尊斗對彼是鬯料所以料水則此爲尊料料酒者也是注升本作斗後魏以來字多別體升斗字幾不辨故致誤如此當據少牢及疏文改正

爵弁至東面

疏脫字在廟中有之以亢圭反爵之屬

亢下脫圭字當依通解補

將冠至南面

注誤 玉藻曰童子之節也

節今本誤飾當依玉藻元文及敖說楊圖鍾氏諸本改正又按玉藻合孔疏以禮節解之則非飾明矣

賓如至之外

注衍 外門大門

大門下外字誤衍敖氏集說引此注無下外字從之

贊者至南端

疏誤 不言纓紘等四物文略

今本文誤大依通解校

贊者至面葉

注誤 衍 洗盥而洗爵

今本爵下誤衍者字按疏兩疊注語前有者字疊注例也後無者字注本無也若有之則不辭矣傳寫者因疊前注而譌當改乙之

疏

脫字

此與昏禮禮賓皆云面葉者

昏禮禮賓亦主人尊

不入房

兩昏禮下皆當疊出一禮字言昏禮之禮賓也補之方

足

請禮至就次

注

脫二句

禮賓者謝其自勤勞也

此二句九字通解集說及鍾氏本並有在注文此禮當作禮之下監本脫去今依補正疏不之釋疑亦有漏脫

又誤字以帷幕簾席爲之

以今誤必依通解集說改正又按聘禮記云次以帷注語本此

主人疏脫字按聘禮記云

脫聘字據通解補

冠者至如之

疏脫句亦如之者言贊者先拜而冠者答之也

監本脫亦如之者四字依通解補敖本亦有亦如之者四字又冠者上有而字

乃禮至之禮

注誤禮賓不用柶者

禮賓今本誤賓醴依通解及鍾本正之

又脫三句稻醴清糟黍醴清糟梁醴清糟

注重醴下脫稻醴清糟黍醴清糟梁醴十字據內則元
文及放集說本增定其通解鍾本又於重醴下誤衍清
糟二字亦誤也蓋疏括注語本曰云重醴至清糟者不
知何時脫去至字遂使傳寫者反據疏中重醴清糟四
字轉抹去注中稻醴以下十字真可嘆也

主人至儷皮

疏誤字彼九獻之間皆有幣

獻監本誤酏依通解改

洗有至南順

疏脫句故洗亦在房

此五字通解本在疏文醴之尊在房句下監本脫

徹薦至不徹

其誤疏字卒設於席前也

卒今誤啐依通解改

加皮至如初

疏脫文一醮徹脯醢爲辟再醮之脯醢至再醮不言徹脯醢

者以三醮上唯加俎不加籩豆故不徹薦直徹爵而已祝

辭三醮不言嘉薦直言籩豆是明文也

此五十七字舊在疏文示新也下監本脫依通解補

加爵至于母

疏脫 若然乾肉與脯修別言之若今梁州鳥翅者

今本脫別言下之字鳥翅下者字

又誤字則節折爲二十一體

折今誤析並依通解校

若殺至高罪

疏脫 句載在後升在前

今本脫升在前三字依通解補

再醮至栗脯

注誤字 蠅蚡醢

監本蠅誤虺今依釋文及諸本正之

兄弟至之慶

注誤字考凍黎也

黎監本誤黎依通解及諸本校正疏文同

疏脫黃髮白而復黃也

疏首爾雅云上脫此七字依通解補之

拜受至不忘

注脫文休美也

不忘上監本脫休美也此三字當依通解及鍾本補之

永受至所當

疏脫句幼名冠字

監本疏引檀弓五十以伯仲句止誤脫此四字今依通

解補之

素積至博寸

疏脫魁卽蜃蛤一物也煨爲炭灰用之

今本脫也煨爲炭灰用之七字依通解補之

不履總履

疏脫則總衰四升半不灰治可知

監本脫總衰二字依通解補

始冠至可也

注脫太古質蓋亦無飾

監本脫蓋亦二字通解及鍾氏本並有之今據校補疏

疊注語亦有此二字脫文無疑

適子至加有成也

注脫一節二醮夏殷之禮每加於阼階醮之於客位所以尊

敬之成其爲人也

三加至志也

注脫一節彌猶益也冠服後加益尊諭其志者欲其德之進

也

追按以上二節鄭注今本已脫茲據明鍾人傑本補正

冠而至名也

注脫故敬之也今文無之

監本脫也今文無之五字以鍾本校補

委貌至道也

注誤衍或謂委貌爲元冠

鍾氏本無此七字疏標起止云註委猶至之聞則原注
本無此七字可知又按篇首云元冠委貌也語意明決
不應此處反作疑詞蓋此七字乃鄭注郊特牲文因通
解移第於此故傳寫者不察而誤衍於此耳茲據鍾本
校乙之

周弁至夏收

注誤衍字 齋所服而祭也

此六字鍾本亦無亦鄭注郊特牲文而通解移入者傳
寫者不知而誤仍耳追按郊特牲疏全引此兩節注文
而無或謂委貌爲元冠及齋所服而祭也二句尤可證

又脫字其制之異亦未聞

鍾本及疏出注語並有亦字監本脫按郊特牲孔疏引

此注亦有亦字當補正

公侯

至

造也

注

異字

篡殺所由生

殺今作弑義得兩通然釋文通解及舊本皆作殺則從

殺爲正

又

異字
衍字

民猶得同姓以殺其君

殺今作弑陳鳳梧鍾人傑本皆作殺此注必因今坊記而誤耳然今坊記亦誤陸氏釋文於坊記亦作殺音弑可見又按監本君下衍者字通解無之坊記本文正同通解今據校乙定爲衍文

皇清經解續編卷六百九終

皇清經解續編卷六百九終

皇清經解續編卷六百九終

皇清經解續編卷六百九終

皇清經解續編卷六百九終

皇清經解續編卷六百九終

皇清經解續編卷六百九終

皇清經解續編卷六百九終

皇清經解續編卷六百九終

皇清經解續編卷六百九終

皇清經解續編卷六百九終

仁和邵順穎校
長沙王先慎校

皇清經解續編卷六

南菁書院

儀禮經注疏正譌二

嘉定金日追璞園著

士昏禮第二

昏禮

至用鴈

注

誤倒又衍字

用鴈爲摯者取其順陰陽往來

二句疏文及楊圖鍾本並在納其采擇之禮句下今本誤倒在皆所以養廉恥句下且句首衍納采而三字今依諸本校正庶得合言之序

主人

至右几

注

脫字

故受其禮於禰廟也

今本脫也字依陳鳳梧鍾人傑本補

疏

脫字

云戶西者尊處者

監本脫尊處者三字

主人

至

答拜

經

誤字

主人拂几授校

校石經釋文及舊本並從木作校今從才作校誤校爲
几足當從木不當從才也

贊者

至

于房

注

異字

待主人梧授

梧授今本作迎受此依陸德明釋文校按聘禮賓進訝
授几手筵前注古文訝爲梧公食大夫禮從者訝受皮
注今文曰梧受既夕禮若無器則梧受之蓋梧與訝古

本同音而古今文又無適從故鄭疊出其文以廣異耳
疑此注本作梧傳寫作訝後人又以迎訝同義遂更轉
而爲迎也

賓卽至人辭

疏誤衍此云奠於薦東升席奠之

疏文十字因上文而誤衍者依通解校乙之

請期至徵禮

疏誤字及禮賓送迎之事

賓今誤實

期初至屬鼎

疏美字若生人則與此異

若下誤羨乎字依通解校乙

饌于至皆蓋

經誤字菹醢四豆

菹今誤菹依唐石經改

主人至前馬

注誤字乘貳車從行者也

今本貳誤二依通解正之疏文同

又異字使徒役持炬火

徒今誤從茲據楊圖放說及鍾本校

疏誤字以爲攝盛革上又有漆飾

以誤一又誤文並依通解校

女從

至

其後

文無清景也蓋其利而後而若無義同依自其於

經

誤

被穎黼

本並無此二十五字對出而後出但無通本

博古穎石經釋文並從匕今從止誤

注

脫

詩云諸娣從之

其字山韻誤其義亦一章又內韻文註

卒謂詩下今脫云字依鍾本校補

疏誤則大夫以上刺之不別被之矣

上今作下按文依通解改正註而不消謂矣此四字

婦乘

至

者代

其字而以類而陳其義亦

疏脫不直云制如朝衣

通其也去亦無此四字或謂

直上脫不字今按文補之書上育同皆受與受樂也

贊爾

至

舉也

清韻切音

注誤因用者謂啜啗師醬

今本啜啗上有用口字師醬上有用指字明錢塘鍾氏本無之按公食大夫疏引此注亦無此四字沈冠雲謂經云以啜醬故注以用訓其字而以啜師解其義若云用口用指則似所用者在口指而不在啜醬矣此四字蓋寫者因疏文而誤入也

卒爵皆拜

注誤婦拜見上篇見母章此篇婦見奠菜一章及內則女拜尙右手下

楊圖鍾本並無此二十五字按此例鄭注所無疏亦不舉其文無者是也蓋此因通解而誤通解圈外自注有

此例傳寫者不知而誤作鄭注耳又按今本右手下脫

下字則更不辭矣

主人

至

復位

疏

衍字

案下文云主人說服于房則此時亦向東房矣

今本于房下衍矣字東房上脫向字依通解校正

主人

至

授巾

經

誤

婦說服于室御受

受今誤授據唐石經改

注

脫

今文說皆作稅

鍾氏本有皆字今本脫按經兩說服有皆者是

御衽

至

北止

注異 吾將見良人之所之

舊本作見今本作覲疏引孟子作覲舉鄭注作見又以
覲義爲見而解鄭之改字則作見是也按釋文覲見並
存則當時原有此兩本特賈所從者爲見字本耳今本
作覲與疏不合

夙興至俟見

疏

誤案內則云

案今誤兼

特豚至女禮

注

脫字今文竝作併

今本竝上脫今文二字依通解及諸本校補竝下諸本

皆誤衍一當字

席于至墉下

經誤字席于北墉下

墉今誤屬依唐石經及通解鍾本校正

注脫句墉墻也

三字在注文室中上依通解及鍾本校補

婦餞至奠之

注脫字奠之

注奠於篚上舊有此二字今本脫據通解及鍾本補之

婦徹至之錯

注美字古者嫁女必姪娣從謂之媵

從下今本美之字依通解及鍾本乙之

舅姑至奠酬

疏脫注云舅姑共饗婦舅獻爵姑薦脯醢

今本獻下脫爵依通解校補

又脫文以鄉飲酒之禮約之席在室戶外西舅酌酒於阼階

獻婦婦西階上受飲畢又酢舅乃先酌自飲畢更酌酒以酬姑姑受爵奠於薦左不舉爵正禮畢也

此五十八字通解引疏在云燕則更使人舉爵者句上今本已脫茲據校補

舅饗至束錦

疏誤字攷左氏傳云齊侯送姜氏非禮也

攷今誤故

記士昏至無辱

注

誤衍

壻悉計反從士從胥俗作婿女之夫

前經陳三鼎于寢門外注寢壻之室也下陸氏釋文有
此十四字通解移記附經并割釋文十四字附釋於此
注用昏壻也之下而以圈別之傳寫者因而誤雜於注
耳然此亦易辨而建本及毛氏汲古本並仍其誤不可
解也

疏

脫文

經但言戶西故記復指言其處也

通解有此十三字今據補於疏文皆經不備者也下

又

脫文

詩所謂旭日始旦也

八字依通解引疏補於所即明之始下

祖廟至宗室

疏誤則皆于大宗之家教之

于今誤以據通解改

賓致至東壁

疏脫庭中執皮者北面釋外足見文

今本脫北面二字依通解補

婦乘至相對

疏疑若王后則履石諸侯夫人亦應有物履之

通解引疏誤倒夫人於諸侯之上今本又因通解而譌以夫人爲大夫作大夫諸侯亦應有物履之則誤之又

誤者也

婦洗至面盥

疏誤字是無北壁亦無戶

亦今誤而依通解改

庶婦至不饋

疏脫文庶婦但不饋耳不言不見明亦以棗栗股修見舅姑

也

通解於此疏末更引此二十一字今依補之

對曰吾子有命至敢辭

疏誤字客舊知之

客誤客

某辭至從也

注誤不得許已之命

許今誤辭據通解楊圖及鍾本正之

父醮子

疏誤若在廟以禮筵于戶西右几布神位今不言明在寢

可知也

布誤在明誤故並依通解改

命之曰至宗事

經衍字命之曰

今本命之下衍辭字依唐石經校乙

經脫一節十四字增授綏姆辭曰未教不足與爲禮也

注脫一節姆教人者

日知錄云萬厯中北監又刻十三經儀禮脫誤尤多士昏禮視諸衿鞶下脫壻授綏姆辭曰未教不足與爲禮也十四字賴有長安石經據以補此一節而其注疏遂亡追按通解楊圖及陳本鍾本皆有此十四字並可作石經左證且皆有注四字曰姆教人者則注尙未亡所亡者疏耳

對曰至敢不從

注脫古文曰外昏姻

注亦彌親之辭下通解及鍾本有此六字本脫

皇清經解續編卷六百十終

仁和邵順頴
長沙王先慎校

皇清經解續編卷六百十一

南菁書院

儀禮經注疏正譌三

嘉定金日追璞園著

士相見禮第三

士相至某見

疏脫字尚書云三帛二生一死鄭云士執雉

今本脫鄭云士執四字依通解校補

主人對曰某不敢爲儀至走見

注脫字古文云固以請也

請下今脫也依通解及鍾本補

賓對曰某也不依於贄至以請

注脫句今文無也

注謙自卑也下通解及鍾本有此四字今本脫

賓對曰某也非敢求見至命者

注脫
句今文無也

注不敢當也下通解及鍾本有此四字今本脫

主人對曰某也固辭至不從

疏脫字若然聘禮公迎于大門內

今本脫然字依通解校

又脫字故至禮賓乃為賓身

今本脫乃為賓三字依通解補

若嘗至固辭

經誤字若嘗為臣者

嘗今誤作常依唐石經改正

擯者對曰某也命某至以請

疏

誤衍九字

今案某也蓋主人之名

此九字既不係疏文又非釋文之語而兩行贅於注下蓋通解本外注傳寫者不知而誤存於此耳

大夫則辭

至三辭

注異字下猶降也

今本作下亦降也通解作猶降存以廣異

疏

誤字

臣中尊者亦得辭降也

亦今誤大

非以

至

之老

注誤字不稱寡君

君監本誤者依錢塘鍾氏本校正

執玉至曳踵

疏誤字躧跽則顛倒

顛今本誤鎮

凡自至外臣

注脫字宅者謂致仕者也致仕者去官而居宅

今本脫也致仕者四字依鍾氏本校補

又誤倒刺猶剷除也今文字或爲託古文茅作苗

今本今文以下十一字反在刺猶剷除也之前依通解

楊氏圖及陳本鍾本校正

皇清經解續編卷六百十一終

儀禮經注疏正譌三

仁和邵順穎
長沙王先慎校

皇清經解續編卷六百十二
南菁書院

儀禮經注疏正譌四
嘉定金曰追璞園著

鄉飲酒禮第四

疏引鄭目錄脫文以禮賓之與之飲酒鄉飲酒於五禮屬嘉禮

今本脫鄉飲酒三字據通解補正

鄉飲至賓介

疏誤鄉大夫雖行飲酒禮賓之於君其簡訖仍更行飲酒

禮賓之于王

賓之于君賓之于王文本相對今本誤倒君其二字依

通解校正

又脫字或鄉大夫居此黨內

通解本居下有此字今本脫

又脫文或曰賓若有尊者一章卽尙爵之義也

通解本疏末更有此十五字今本脫

主人戒賓至賓答拜

疏脫字是以下文云賓拜辱注云賓又拜辱者以送謝之也

今本脫注云賓又拜辱六字據通解補之

設洗至南肆

疏誤字謂從堂廉北至房室之壁

室今誤屋據通解校

羹定

疏脫字不敢煩勞賓使之至而久俟故限之也

今疏脫使之至而久俟六字依通解補

賓降至疑立

注

異字誤字

疑讀爲疑然從於趙盾之疑疑正立自定之貌

通解楊圖及陳本鍾本注疑字並作疑今本於爲疑之

疑兩疑字作仡因疏所引公羊文也然釋文於宣六年

公羊傳出仡字因而此注不出仡字音則鄭注本作疑

而不作仡字可知張澠識誤曰注疑立自定之貌獨監

本正作止鄉射注曰疑止也諸本皆同按士昏禮注曰

疑正立自定之兒公食大夫注曰疑正立也傳寫誤以

二正爲止並從士昏及公食大夫禮追按此說則宋監

本正字誤止今則誤爲然矣

乃設折俎

注誤字 牲體枝解節折在俎

在今誤右依諸本正之

降席至答拜

疏誤字 崇克也謝賓以酒惡相充實

兩充字今本竝誤克

又誤字 先後不同也

不今誤亦

賓西至答拜

注誤字 明此席非專爲飲食起

食今本誤酒據疏文及諸本改

主人對至賓禮

疏誤賓坐取爵洗之時未得主人之命

時今誤特

介西至答拜

注誤以當獻眾賓

當今誤爵依諸本正之

工入至乃降

經誤相者東面坐遂授瑟

遂今誤送依唐石經及諸本正之

乃合樂至采蘋

注異采蘋言卿大夫之妻能循其法度

循一作脩疏出注語亦作脩詩序正作循以義攷之從

循是也互詳燕禮注

坐取至觶南

經脫字執觶興盥洗北面

開成石經有盥今本無盥追按疏云執觶興洗北面者

案鄉射大射禮皆直云取觶洗南面及奠於其所不云

盥此俗本有盥者誤疏明云此本有盥則注疏原本亦

依石經有盥字而特言其俗耳今本竟去盥字并疏疊

經語亦節去盥字則疏文不可讀矣陳氏鍾氏諸本俱

同石經又按張氏識誤云疏云此俗本有盥者誤今去

盥字從疏則今本之脫盥字自張氏始也彼所校者惟

鄭注故義猶可通今注疏本亦依張所校本何也

司正至降席

注誤又同則以其字別之

字今誤序今依疏文改之通解楊圖及諸本並同賈氏

司正升自西階至以俎

疏脫字則是聘射皆有飲酒禮

今本飲誤鄉

經誤司正升立于序端

序今誤席依唐石經校正疏文亦誤

賓降至南面

經脫字遵者降席東南面

皇清糾角糾糾
今本脫一席字依唐石經及諸本校補

賓取俎至皆降

經誤字則使人授俎如賓禮

授今作受依唐石經校

明日至拜賜

經美字賓鄉服以拜賜

五
追按注云今文曰賓服鄉服明古文經賓下無服字鄭
不從今文可知今作賓服鄉服者衍也依唐石經及通

解諸本校乙服字

獻用爵至用觶

疏脫字案上獻賓介獻眾賓等

獻賓下今本脫介字依通解補

薦脯至左房

注脫字左在東陽也

今本脫左字依通解及鍾氏本補

疏誤字雖胸挺有異

駒今誤狗

賓俎至進腍

經脫字介俎脊脅肫膈肺

石經有肫今本無脫今本之無肫由通解始也通解外

注曰按介俎脊脅膈肺印本膈上有肫字然疏云有臠

肫而介不用明本無此字也咸都石經亦誤今據疏刪

去若然此經之無肫字朱子刪之也追按疏又云或有
介俎肫胙兩言者欲見用體無常若有一大夫卽介用
肫若有二大夫則介用胙故肫胙兩見亦是也云云則
當時原有此兩本今若遽刪肫字則疏文後說不可通
矣今依石經存此庶窮經得所考焉又按前經乃設折
俎下疏引此記亦曰賓俎脊脅肩介俎脊脅肫胙則作
疏時所據之本明有肫字矣

疏

誤字

蓋爲大夫俎故此闕焉

爲今誤以

又

誤字

此據飲酒生人之禮

生今誤主依通解校

將舉於右

疏

誤

謂若上文一人舉觶爲旅酬始

始今誤使依通解校

磬階

至

鼓之

疏

誤

鄭知此是諸侯之卿大夫者

卿今誤鄉

又

脫

士半天子之士縣磬而已

疏西縣鐘東縣磬下通解本有此十字今脫

凡旅不洗

疏

脫

案上一人二人舉觶皆爲旅始

今本脫一人二字據通解補

若有主公至西面人

疏疑統於賓也

字

八然不賓今本作遵此據通解

西面東雖言不歸漢本出十字今刪

又文士平天子之士

今疑

今疑

今疑

今疑

今疑

皇清經解續編卷六百十二終

仁和邵順穎校
長沙王先慎校

皇清經解續編卷六百十三

南菁書院

儀禮經注疏正譌五
嘉定金曰追璞園著

鄉射禮第五

疏誤字云州鄉之屬者

者今誤名

鄉射至乃請

疏脫字而記云土鹿中也

今脫而字也字依通解補

眾賓至而西

疏脫字彼與賢能有德之人故各自特不繼有所殊別

今脫與賢能三字又特誤持並依通解正之

皇清經解經

尊於

至東肆

與賈誼三宰文林焉并並對獸籜五之

疏

誤

字若據酒則以南面爲正

對各自林不繫有流於

正今誤上

乃張

至

地武

而卒出卒於敵

疏

異

字周禮梓人云上綱與下綱出舌尋縝寸焉

縝今本作絹釋文正作縝云於貧反或尤粉反劉侯犬

反是字雖有絹音仍當依周禮作縝通解引疏正作

縝可證

不繫

至

束之

疏

脫

字又云下舌半上舌則下舌三丈左右各出五尺

今脫下舌三丈四字依通解補

主人至先入

疏誤字故西面待之

待今誤侍

主人坐取爵至盥洗

注誤字致潔敬也

致今誤飲依通解楊圖及鍾氏諸本正之

主人坐至反位

注誤字當西序東面

面今誤西依鄉飲酒及諸本正之

主人坐取爵至獻賓

注脫字進酒于賓也

今本脫酒據鍾氏本補

主人阼階上拜至賓禮

注誤字亦噤啐

噤今誤齊

工四至乃降

疏誤字鄉射與大射相對

鄉射今誤鄉飲依通解正之

又脫字近首鼓處則寬近尾不鼓處并而狹

今本脫并字據通解補正

乃合樂至采蘋

注脫字四躬行呂南之教以成王業

今本脫召南之教四字依鍾氏本及諸本校補

樂至至乃降

疏誤唯作合樂於堂上

作監本誤有俗本誤付

司射至請射

疏誤著左臂所以遂弦也

臂今誤擘據通解改正

司射先立至一个

疏誤脫今三耦立於其西南

今本作三耦立定依通解校正

揖進至面揖

注誤而又以有虞氏之庠爲鄉學

庠今誤序依鍾本改

南面至挾之

經誤改取一个挾之

取今誤作依唐石經及通解楊圖鍾氏諸本正之疏文

亦曰改取

司馬至負侯

疏脫凡射主欲中侯中則使獲者舉旌唱獲

今本脫中則二字據通解補

司射進至反位

疏誤在西階之西

今本在誤左

又

脫

謂從乏傍矢近人也

今本脫矢近人三字並從通解校正

乃射

至

乘矢

注

誤脫十五字

古文而后作後非也孝經說然后曰后者後也當

從后

今本此注只作后後也當從后六字而誤脫十五字蓋因通解也依鍾本校正疏有引孝經說云云則注文脫譌顯然矣

上射

至

於左

疏

誤

此上射下射升與降皆上射爲失

皆今誤階

遂告

至

于子

經脫

字皆與士爲耦以耦告于大夫

經脫以耦二字今以唐石經及諸本校補云

上射東面

至

東面揖

疏

脫

執弓在手一手卻在裏取矢

今本脫一手二字依通解補

與進

至

反位

經脫

字相揖退反位

顧炎武曰反位」石經有退字監本脫追按通解楊圖

及陳氏鍾氏諸本並無退字則其脫不自監刻始矣

三耦至反位

疏

誤脫

上耦已取矢復云三耦者三耦之中除上耦外實二

耦也

此二十二字通解所引疏也今本作上云三耦之中上耦外而言之十字不成句脫誤可知

司射猶挾

至于賓

注

誤字

眾足以知之矣

矣今誤侯依諸本校疏疊注語正作矣

眾賓

至上耦

疏

誤字

賓主人射則司射擯升降

擯今誤賓據記文改正

獲者負侯

至送爵

疏

脫字

是受爵於侯下

今本脫下依通解補

又

誤倒字

薦不亦在侯者

今本誤倒薦不二字

興適

至

如之

經

誤字

適左个中皆如之

皆今本並誤亦依唐石經及鍾本正之

左个

至

既爵

疏

誤字

此約獻釋獲者司射之位

之今誤乏依通解校

卒北至一个

疏脫字與上再請射章三耦取矢訖搯三挾一个同

今本脫再請射章四字依通解補

司馬升至賓許

注誤字遙號令之可也

令今作命依通解及陳本鍾本校改

眾受至階上

注誤字主人之贊者

贊今誤奠依鄉飲酒記及諸本校正

舉觶者至所興

經脫字賓與大夫坐反奠于其所

顧氏九經誤字曰監本反下脫坐字追按石經坐在反
上又注曰古文曰反坐則經文爲坐反更明且坐字諸
本並脫則其誤亦不自監本始唯錢塘鍾氏本坐在反
上正同石經今據校補

司正升至南面

疏脫文下云賓俎授司正司正以俎出授從者

今本脫賓俎授司正五字

又脫字則此俟弟子升受俎者

今本脫俟字並依通解校補

辯卒至階上

注誤字不以已尊孤人也

孤今誤於依通解及楊圖陳氏鍾氏校改大射疏引此
注亦作孤

疏脫字故降復於東階前西面北上位皆與旅也

今本脫皆與旅三字依通解補

長受至實之

注脫字古文曰受酬者不拜

今本脫受字追按注既重疊古文自當有受字方與經

文不同茲依諸本校補

疏誤字嫌堂上下異位

今本脫上字依通解補

賓興至奏咳

疏誤字鄭注鍾師 鍾師云陔夏

追按此及下鍾師云陔夏兩師字今皆誤詩又夏誤下

西序之席北上

疏誤字眾賓之席繼賓已西

席今誤序

賓俎至進膳

疏脫字對左體殷所貴

今本脫體字

凡侯至鹿豕

注誤衍則經獸侯是也

注由是云焉上誤衍此六字按疏曰云張此侯則經獸

侯是也此六字本疏釋注之語而傳寫者不知而誤入

於注耳今依通解楊圖及鍾氏本校乙之

又

誤字

不忘上下相犯

今本下誤不據疏及諸本改

凡書者丹質

疏

誤字

此獸侯也

獸今誤燕依通解正之

又

衍字

畿外諸侯九十步侯之內

今本諸侯下美者之二字依通解校乙

射自

至

長武

疏

脫文

言長武武跡也尺二寸者

今本脫尺二寸者四字依通解補

凡適至弓矢

經誤字降階遂西取弓矢

遂今誤送依唐石經及通解楊圖敖說鍾本正之

楅鬣至當洗

經改字楅鬣橫而拳之

通解外注曰拳當作奉追按石經及舊本正作拳釋文

亦作拳音權今本皆作奉蓋因通解改也顧氏石經考

曰奉石經誤作拳未徧考釋文通解耳通解引疏仍曰

楅鬣橫而拳之

疏脫字故記言南北當洗以爲南北之節楅鬣橫而拳之也

禮射至者降

今本作故記言南北當洗南北節也脫八字依通解補

注

脫

勇力之取也

今本脫也字依通解楊圖及鍾本校補

疏

誤

不言鄉射者

今本不誤下依通解校正

侯道

至

侯中

注

異

宜於射器也

於今作用雖義得兩通然鍾本作於疏出注語亦作於則作於爲正

倍躬

至

右舌

疏

脫字

云左右出謂之舌謂此兩個躬外

今本脫此兩個三字依通解補

箭籌八十

疏

誤字

舉成數以十耦爲正

正今誤云

長尺

至

握素

注

美字

刊本一膚

今本一下多作字依通解楊圖及鍾本校乙玩疏文無

作爲是

經

脫七字

一節

士鹿中翻旌以獲

注

脫十一字

一節

謂小國之州長也用翻爲旌以獲無物也古文

無以獲

此節經注疏今本並脫茲據開成石經補經七字據通解及鏗氏本補注二十一字疏文已爲通解刪去今不可復得矣○通解自上文君國中射則皮樹中以下至末記文並移第於大射篇而但錄其經注故此疏亡耳○此一節當在大夫兕中節之後

皇清經解續編卷六百十三終

長沙王先謙校

卷六十四

○錄一 論身外大夫與中補之選

宋文選新發似大隸補而思其難也若出而

百而許矣必其難日休文選而補則其難可知不

若其及本時許之十一年其文口氣其難則去今不

而注其時許之本道則其難可知其難則其難可知

其難則其難可知其難則其難可知其難則其難可知

皇清經解續編卷六百十四

南菁書院

儀禮經注疏正譌六

嘉定金日追璞園著

燕禮第六

樂人縣

注誤言縣者爲燕新之

言今誤宮依儀禮圖及鍾本正之

疏脫文此二者皆當天子樂師天子樂師大夫及士

今本脫下天子樂師四字

又脫誤云言縣者爲燕新之者按燕在路寢有常縣之樂今

更整理之故云爲燕新之也

今本作按整理樂縣之法爲新之也於義不足照解

增定

小臣

至

膳者

疏

脫

下注云君物曰膳

此七字通解本在疏據君而言下今本脫

乃命

至

東上

疏

錯

又大射工人士與梓人升自北階知由堂東者以差

在房

今本知由堂東以下九字錯在又大射之上據通解校

正

主人降

至

東面對

疏

脫

字鄭以大射先行燕禮

今本脫鄭以兩字依通解補

不拜至告旨

疏誤字此則宰夫代君爲主

今本作故此主人代君爲主依通解改

主人至于公

經誤字主人盥洗象觚升實之

實今誤賓依唐石經及諸本校正

疏誤倒字不得北面取又不得南面背君取

取又兩字今本誤倒依通解正之

主人至答拜

經衍字西階上坐奠爵拜賓降筵北面答拜

唐石經如此今新舊諸本於奠爵拜下連疊兩賓字作奠爵拜賓句賓降筵又句但按大射禮當此節祇曰西階上坐奠爵拜賓西階上北面答拜並無疊兩賓字則當從石經刪一賓字爲是諸本非也

主人至上拜

注誤拜者拜其酌已

己今誤也依諸本改正

主人降至面立

注誤其禮彌卑

禮誤體依諸本校改疏出法語可證

媵爵至洗南

疏誤字猶執觶待於洗南

猶今誤故依通解校改

若君至再拜

經誤字媵爵者洗象觶升實之

實亦誤賓依石經及通解諸本校改

疏誤字又楹北往君所奠訖亦右還而反

今本往誤住右誤又並依通解校改

公有至稽首

注異字是亦不言成拜

亦今作以通解及鍾氏本並作亦

射人至受旅

疏脫云長者尊先而卑後者君酬賓賓則旅三卿

今本脫君酬賓三字依舊刻儀禮圖校補

賓大至答拜

疏誤賓在西階上酬卿

在今誤有依通解校改

主人洗至階上

疏誤君酢主人

酢今誤作依通解校改

射人至之禮

疏誤故同稱公

公今誤云依通解校改

請致至再拜

注脫古文云阼階下北面再拜

注自優暇也下通解及鍾本更有此十字今本脫

疏誤言若者不定之辭

若今誤君

主人洗至復位

疏脫不酢爵辟君

今本脫辟字追按作辟君方與前注相應據儀禮圖校

補

胥薦至無胥

疏脫故知此胥是膳宰之吏

脫故知此三字依通解補

卒射

至

就席

經脫

字大夫皆升就席

經脫升依唐石經及鍾氏諸本校補按前主人洗升節
疏標起止曰自此盡皆升就席則舊本有升字可知

小臣

至

乃降

注

誤

燕禮輕

燕今誤按依諸本校改疏出注皆可證

乃間

至

由儀

注

誤

此采其物多酒旨

旨今誤者依諸本校改

送歌

至

采蘋

注

異字

采蘋言卿大夫之妻能循其法度

循今作修鄉飲酒禮注作循詩序亦作循今據改正

又

誤字

於時文王三分天下有其二德化被於南土

今本時誤是南誤西今依鄉飲注及諸舊本校改

大師

至

歌備

經

脫字

大師告于樂正曰

今脫于依石經及諸本校補

注

誤字

教六詩

六詩今誤大師依周禮及諸本校改疏疊注語六詩誤

六師

射人至司正

疏脫故立司正之後乃行旅酬

此十字在疏文徧獻之後乃行旅酬之下今依通解校

補

賓反至乃安

疏誤倒則君之說屨在堂上席側

今本之字誤倒在說屨下

又脫字則君尊脫屨於堂上席側可知也

疏脫堂上二字今依通解及儀禮圖校補

羞庶羞

疏誤鄭知有此物者以經云庶羞不唯二豆而已此注不

言炮鼈以下注文不具也

今本鄭知至而已十七字誤倒在注文不具之下於文不順依通解及儀禮圖校正

主人至送觶

經誤主人拜送觶

九經誤字曰監本送誤受今依石經及諸本校改

若射至之禮

疏衍字故大射初

故下今本誤衍曰字

大夫至上辯

經誤大夫立卒爵不拜實之

皇清經解經解
實今誤賓依石經及諸本校改

主人至之禮

注誤凡獻皆薦也

薦今誤爵依疏文及鍾本校改

士不至皆辟

疏誤字今乃沒賓不言賓

疏沒誤設依儀禮圖校改

對曰寡君君之私也至敢辭

注異字私謂獨有恩厚也

鍾氏本作有今本有作受

又脫字怖懼用勢決之辭也

今脫也字依疏文補

經脫四其牲狗也

注脫十狗取擇人也明非其人不與爲禮也

顧氏九經誤字曰亨於門外東方下石經有其牲狗也四字追按石經其牲狗也四字在燕朝服于寢句下亨于門外東方句上顧誤考又按鄉飲酒鄉射其牲狗也皆在亨於堂東北之上尤爲明證今本此節經注疏並脫今經文取之石經注則取之舊刻儀禮圖及錢塘鍾氏本一一補正而惜其疏已亡不可考矣○再按鄉射記疏曰鄉飲酒鄉射義取擇賢士爲賓天子以下燕亦用狗亦取擇人可與燕者據此則燕禮有其牲狗也益

明但此四字顧謂亡於明之監刻則又不然蓋今儀禮經文之與石經異而脫譌者求之朱子經傳通解皆與石經同而與今本異獨此四字通解亦無故知其脫不自監本始也又公食記亨於門外東方上亦無其牲句未詳何義

賓爲

至

爲賓

注

誤

今燕又宜獻焉

宜今誤且依疏出注語及諸本改正

疏

脫誤

於是席之於阼階西而又敬之

今本脫而又二字衍一旦字之誤也

又

誤

今苟敬之前

今今誤但並依通解及儀禮圖改

與卿至爲賓

注誤君恆以大夫爲賓者

恆今誤但依通解校

若以至樂闋

注異以鐘罇播之

罇今作罇按罇字釋文無音通解及儀禮圖陳氏鍾氏
諸本並作罇

若舞則勺

注誤告成大武之樂歌也

武今誤舞依鍾本校改

凡薦

至

宰也

注脫

上特言羞卿者小膳宰者

膳宰下今脫者字依疏出注語及諸本校

上射

至

而俟

注脫

字

答對

鍾人傑本此經而俟下有鄭注二字今本脫

若與

至

爵者

注

誤謂公鄉者酬之

今本鄉誤卿酬誤酌依通解及陳本校改釋文鄉字亦

有音

皇清經解續編卷六百十四終

仁和鄧順穎校
長沙王先慎校

